

29 JANUARI 2018

## Penagih amuk ugut bunuh keluarga

Ms.21

### → JENAYAH

## Penagih amuk ugut bunuh keluarga

**Butterworth:** Seorang lelaki ditahan selepas mengamuk dan mengugut untuk membunuh ahli keluarganya di sebuah rumah dekat Sungai Dua, awal semalam.

Dalam kejadian kira-kira jam 1 pagi itu, lelaki terbabit yang berusia 32 tahun dikatakan mengamuk selepas gagal mendapatkan wang yang diminta daripada ahli keluarganya untuk membeli dadah.

Suspek yang berang dikatakan terus mengamuk dan memecahkan pelbagai barangan di dalam rumah keluarganya itu.

#### Terima panggilan adik suspek

Ketua Polis Daerah Seberang Perai Utara, Asisten Komisioner Noorzainy Mohd Noor, berkata sepasukan polis bergegas ke lokasi selepas menerima panggilan daripada adik perempuan suspek yang ketakutan selepas lelaki berkenaan turut mengugut untuk membunuh mereka sekeluarga.

Ketika kejadian, katanya hanya adik perempuan, kakak dan bapa mangsa berada di rumah dan mereka enggan memenuhi kehendak suspek yang meminta wang untuk membeli dadah.

"Sepasukan anggota yang bergegas ke lokasi menahan lelaki terbabit dan ujian saringan air kencing dilakukan mengesahkan suspek positif dadah.

"Semakan lanjut mendapati suspek mempunyai rekod jenayah lampau berkaitan kes jenayah kekerasan dan dadah dan dia kini ditahan reman empat hari membantu siasatan," katanya.

